



Broj: 02-05-3035/18
Lukavac, 14.11.2018. godina

Na osnovu člana 69. stav 1 tačka b) Zakona o javnim nabavkama („Sl. glasnik Bosne i Hercegovine“ broj: 39/14) Općinski načelnik d o n o s i

ODLUKU o poništenju postupka nabavke

I

Ovom Odlukom se poništava Poziv za dostavljanje ponuda za pružanje usluga sistematskog pregleda uposlenika općine Lukavac.

II

* Poziv za dostavljanje ponuda za pružanje usluga sistematskog pregleda uposlenika je objavljen na web stranici općine Lukavac 15.10.2018. godine pod brojem 02-02-1-3034/18.

* Odluka o poništenju Poziva za dostavljanje ponuda za pružanje usluga sistematskog pregleda uposlenika će biti objavljena na web stranici općine Lukavac.

O b r a z l o ž e n j e

Rješenjem općinskog Načelnika, broj: 02-05-3139/18 od 24.10.2018. godine, imenovana je Komisija za provođenje postupka javne nabavke, a u postupku dodjele ugovora za nabavku usluga sistematskog pregleda uposlenika općine Lukavac.

U skladu sa tačkom I navedenog rješenja Komisija se dana 31.10.2018. godine u 11⁰⁰h sastala u prostorijama općine Lukavac, soba broj 28, prvi sprat, radi otvaranja ponuda, te je konstatovala da je, do roka za dostavu ponuda koji je utvrđen u tački 18. Poziva za dostavljanje ponuda za usluge sistematskog pregleda uposlenih općine Lukavac, pristigla jedna ponuda.

Na sastanku održanom 05.11.2018. godine Komisija je izvršila pregled i ocjenu ponude te utvrdila da je za ovu nabavku planiran iznos od 8.547,00 KM bez PDV-a, a da je vrijednost ponude 12.124,00 KM bez PDV-a, odnosno da cijena ponude, koja je jedina dostavljena ponuda, prelazi iznos sredstava obezbijeden za ovu nabavku, zbog čega se Komisija pismenim putem obratila ugovornom organu da isti utvrdi da li postoji mogućnost povećanja budžeta u iznosu od 4.185,00 sa PDV-om koliko je bilo neophodno obezbijediti da bi se predmetni postupak nabavke okončao dodjelom ugovora.

Kako nije bilo mogućnosti za povećanje budžeta, a imajući u vidu navedeno primjenom člana 69. stav 2. tačka e), a u vezi sa članom 70. stav 4. Zakona o javnim nabavkama općinski Načelnik donosi Odluku o poništenju postupka nabavke.

Pouka o pravnom lijeku:

Protiv ove Odluke može se izjaviti žalba ugovornom organu - općini Lukavac u roku od 10 dana od dana prijema Odluke.



Žalba se podnosi, u najmanje tri primjerka, u pisanoj formi direktno ili preporučeno poštanskom pošiljkom.

Obradivač: Komisija

DOSTAVLJENO:

1. Ugovorni organ
2. Web stranica
3. U spis predmeta
4. a/a



OPĆINSKI NAČELNIK
Edin Delić, dr.sci